



**Ajet Kuranor:**

Allahu i Madhërishëm thotë:

**O besimtarë, frikësojuni Allahut dhe çdo njeri le të shikojë se ç'ka përgatitur për të nesërmen! Kijeni frikë Allahun, sepse Ai di çdo gjë që bëni ju!** [Kuran 59:18]

### **Hadith**

I Dërguari i Allahut, paqja dhe lavdërimi i Allahut qofshin mbi të, ka thënë: “Nuk do të lëvizin këmbët e robit Ditën e Kijametit pa u pyetur për katër gjëra: për jetën e tij si e ka kaluar, për diturinë e tij, çfarë ka vepruar me të, për pasurinë e tij, nga e ka marrë dhe ku e ka shpenzuar dhe për trupin e tij ku e ka përdorur.”[\[1\]](#)

### **Gjurmë:**

Hasen thoshte: “Sa herë që e takon besimtarin e gjen duke e llogaritur veten: Çfarë doje të bëje, çfarë doje të haje, çfarë doje të pije. Ndërsa, i keqi e kalon jetën pa e llogaritur vetveten.

### **Ide:**

Para se t'i mbyllësh sytë për të fjetur, silli ndërmend ndodhitë e kësaj dite, meditoji punët që i ke bërë, çfarë ke lënë anash dhe llogarite vetveten, pastaj përmirësoji gabimet ditën që vjen.

Shkëputur nga libri: “Jeumijat saimeh” (Hakibetu saimat) – të autorëve dr. Adil Esh-Shiddi dhe dr. Ahmed El-Mezjed

Përktheu: Jusuf H. Kastrati – Shembulli.com

---

[1] Këtë hadith e shënon Tirmidhiu dhe e cilëson si “hasen-sahih”.